

MGA TALAMDAN SA PAGTUON-NGA-MAKAPATIN-AW SA JOB, MGA PROVERBIO, ECCLESIASTES

MAHINUNGDANONG MGA PAMAHAYAG

Ang tuyo sa Dios sa pagtagad Niya sa mga nahigugma Niya aron man mabatonan nila Siya sa kinahingpitan gyod, nga labaw pa kaayo sa mapildihan sa tanang naa nila nga dili Siya, aron mapadayag Siya pinaagi nila ug matuman ang tuyo Niya sa paglalang sa tawo.

Maayong tawo si Job, nga nagpadayag sa iyang kaugalingon sa iyang pagkahingpit, katul-id, ug kaligdong, apan tuyo sa Dios nga mabalewala si Job, maanaa lang gihapon siya, mapaambit ang Dios kaniya, ug mahimong Dios-tawo, nga magpadayag sa diosnong mga kaayo.

Ang tuyo sa Dios sa pagtagad Niya sa Iyang balaang katawhan mao nga mahabwaan sila sa tanan ug modawat ra sa Dios nga ilang kaayohan; ang tinguha sa kasingkasing sa Dios mao nga hingpit nila Siyang mabatonan ingon nga kinabuhi, sangkap sa kinabuhi, ug tanan sa ilang pagkatawo.

Mosinati ngani ang pinili ug tinubos nga katawhan sa Dios ni Cristo nga kaalam nila gikan sa Dios ug moambit ug mopahimulos sila sa kadato ni Cristo, umolon sila ning kadatoa nga iglesia, nga pinaagi niini ikapahibalo ang nagkadaiyang kaalam sa Dios ngadto sa mga magbubuot ug mga pagbulot-an sa mga manulonda sa kalangitan.

Mensahe 1

Ang Dakong Pangutana sa Basahon sa Job ug ang Dakong Tubag

Basahong Kasulatan: Job 1:1; 10:2, 13; Efe. 3:9; Job 42:5-6

- I. Ang kap-atag duha ka capitulo sa Job nagbilin natog dakong pangutana nga may duha ka bahin: unsa may tuyo sa Dios sa paglalang Niya sa tawo, ug unsa may tuyo sa Dios sa pagtagad Niya sa Iyang piniling katawhan—1:1; 10:2, 12-13; itandi sa 11:12; 13:4:**
 - A. Niingon si Job sa Dios, “Pahibaloa ko nganong nakigbingkil Ka nako” (10:2); “Gitipigan Mo kining mga butanga sa Imong kasingkasing; / Nahibalo ko nga naa kini Nimo” (v. 13).
 - B. Nagpakita kini nga dili makaplakan ni Job ang hinungdan sa pagtratar sa Dios kaniya, apan nagtuo siya nga duna gyoy hinungdan nga natago sa kasingkasing sa Dios; ang natago sa kasingkasing sa Dios mao ang misteryo sa kapanahonan—ang walay kataposang pamatigayon sa Dios—Efe. 3:9.
- II. Ang dakong tubag ning dakong pangutana mao ang misteryo nga natago sa Dios sa tanang kapanahonan, ang walay kataposang pamatigayon sa Dios, nga mao ang walay kataposang tuyo sa Dios uban sa gitinguha sa Iyang kasingkasing nga ipaambit ang Iyang Kaugalingon diha sa Iyang Diosnong Trinidad ingon nga Amahan diha sa Anak pinaagi sa Espiritu nganha sa piniling katawhan Niya aron mahimong kinabuhi ug kinaiya nila aron mahimo silang organismo, ang Lawas ni Cristo ingon nga bag-ong tawo, alang sa kahupnganan sa Dios, pagpadayag sa Dios, nga mahingpit sa Bag-ong Jerusalem—1 Tim. 1:3-4; Efe. 1:22-23; 3:9, 19; Gen. 1:26; Isa. 43:7; Rom. 8:29; 1 Juan 3:2:**
 - A. Abi ni Job ug sa iyang mga higala nga may kalabotan sa paghukom sa Dios ang giantos niya; apan, dili paghukom sa Dios ang mga pag-antos ni Job kondili paghukas ug pag-ut-ot sa Dios aron mabatonan sa Dios si Job aron labi pa niyang mabatonan ang Dios.
 - B. Bisan gihukasan sa Dios si Job, wala gyod Siya masuko niya; wala sab isipa sa Dios si Job nga Iyang kabatok kondili Iyang suod nga higala—Job 19:11; itandi sa 10:13.
 - C. Nasayod ang Dios nga sa makasinati na si Job og panahon sa pag-antos, matukod siya pag-usab sa Diosnong Trinidad aron mahimo siyang laing tawo—bag-ong tawo, bag-ong kabuhatan (Gal. 6:15), nga motuman sa walay kataposang pamatigayon sa Dios aron mapadayag Siya (2 Cor. 5:17); kini ang dakong tubag sa dakong pangutana sa basahon sa Job.
 - D. Sa pagbasa nato sa Biblia, itingob gyod nato ang atong pagtagad sa walay kataposang pamatigayon sa Dios alang sa diosnong pagpaambit; kon dili ta masayod sa pamatigayon sa Dios, dili ta makasabot sa Biblia; ang tuyo sa Dios kang Job paghimo man kaniyang tawo sa Dios, nga naumolag Dios segun sa diosnong pamatigayon Niya:
 1. Alang sa usa ra ka butang ang Biblia nga dunay kan-umag unom ka basahon: ipaambit sa Dios ang Iyang Kaugalingon diha ni Cristo pinaagi sa Espiritu nganhi nato aron mahimong atong kinabuhi, kinaiya, ug tanan aron makinabuhi ug mapadayag nato si Cristo; kini gyod unta ang prinsipyong modumala sa atong kinabuhi—Juan 10:10; 1 Cor. 15:45; Rom. 8:2, 10, 6, 11; Fil. 1:19-21; 2 Cor. 3:6.

2. Ang pagtagad sa Dios ni Job pagkuha man kaniya gikan sa ginsakpan sa pamatasan ug pagdala kaniya sa ginsakpan sa pagpakabaton-og-Dios aron maliso siya gikan sa pagtinguha nga mahingpit sa pamatasan ngadto sa pagtinguha ug pagpakabaton sa Dios imbis sa bisan unsang laing butang; ang kahimtang sa tawo atubangan sa Dios gibasi man kon unsa kadako nga Dios ang nabatonan niya—Sal. 27:8; 105:4; Fil. 3:8; Mat. 25:3-4, 9; Prov. 23:23; Bug. 3:18; 2 Cor. 3:18; 4:17; 1 Ped. 2:7; Dan. 5:27; 9:23; 10:11, 19.
3. Ang tuyo sa Dios sa pagtagad Niya sa Iyang balaang katawhan aron man mahabwaan sila sa tanan ug modawat ra sa Dios nga ilang kaayohan; gusto Siya nga mabatonan, maambitan, mapanag-iyang, ug labi pang mapahimuslan sa Iyang katawhan, imbis ang tanang ubang butang, hangtod moabot sa kinahingpitan gyod ang pagpahimulos nila aron mahimo silang Bag-ong Jerusalem—Mat. 5:3; Sal. 43:4; 73:25-26; Fil. 3:8-9; Bug. 21:2.
4. Kini ang tiunayng kahulogan sa tibuok Bag-ong Tugon ingog dakong tubag sa dakong pangutana sa basahon sa Job kalabot sa tuyo sa Dios sa paglalang Niya sa tawo ug sa pagtagad Niya sa Iyang piniling katawhan.

III. Ang sukaranong problema ni Job mao nga kulang siyag Dios; sa tanang pagtagad sa Dios ni Job, tuyo sa Dios nga mabalewala si Job, apan maanaa lang gihapon siya (2:6) aron duna Siyay panahon sa pagpaambit sa Iyang Kaugalingon kang Job; nagtagad ang Dios sa usa ra ka butang—ikapaambit Siya kanato (Efe. 3:16-19):

- A. Matarong si Job sa kaugalingon (Job 6:30; 9:20; 27:5-6; 32:1), ug natagbaw na siya sa iyang gidangatan (13:3; 23:3-4; 31:6), apan wala siya makamatikod sa makaluluoy niyang sitwasyon atubangan sa Dios (itandi sa Bug. 3:16-18).
- B. Ang himaya ni Job mao ang iyang pagkahingpit ug katul-id, ug ang iyang purong-purong mao ang iyang kaligdong; gihukasan siya sa Dios sa iyang himaya ug gikuhaag purongpurong ang iyang ulo (Job. 19:9); naglaom ni Job nga tukoron ang “kahoy” sa iyang kaligdong, apan dili motugot ang Dios nga motubo kanang kahoya sa sulod ni Job; giluka hinuon sa Dios kining kahoya, kining paglaoma (v. 10), aron madala si Job sa kahimtang nga mabatonan niya ang Dios.
- C. Buot ang Dios nga makaila si Job nga naa siya sa sayop nga ginsakpan nga nagtukod sa iyang kaugalingon ingon nga tawo nga naa sa daang kabuhatan diha sa iyang pagkahingpit, katul-id, ug kaligdong; gihimaya ni Job ang iyang kaugalingon ning mga butanga, apan giisip kini sa Dios nga mga kaulangan nga angayng hukason aron madawat ni Job ang Dios diha sa Iyang kinaiya, kinabuhi, elemento, ug pagkamao ug sa ingon niana metabolicong matransporma ug mahimong Dios-tawo, tawo nga naa sa bag-ong kabuhatan nga nagpadayag sa Dios ug nagpaambit Kaniya ngadto sa uban—2 Cor. 3:18; 1 Ped. 4:10; Efe. 3:2.
- D. Ang tuyo sa Dios kang Job mao nga pukanon ang natural nga Job sa iyang pagkahingpit ug katul-id aron matukod Niya ang nabag-o na nga Job diha sa kinaiya ug mga kaayo sa Dios; pukanon sa pagdisiplina sa Espiritu Santo ang natural natong pagkamao aron maumol ang nabag-ong pagkamao—2 Cor. 4:16-18; Rom. 8:28-29.
- E. Ang buhat sa Espiritu sa sulod nato pag-umol mag bag-ong pagkamao alang nato, samtang ang buhat sa Espiritu sa gawas pagpukan man sa tanang aspeto sa natural natong pagkamao pinaagi sa atong palibot; mobulig gyod ta sa pagbuhat sa Espiritu ug modawat sa palibot nga gipahaluna sa Dios alang nato—Fil. 4:12; Efe. 3:1; 4:1; 6:20; 1 Cor. 7:24.
- F. Ang nag-unang tumong sa pag-antos ning unibersoha, ilabi na gyod kalabot sa

mga anak sa Dios, mao nga pinaagi niini maumol ang kinaiya mismo sa Dios sa kinaiya sa tawo aron mabatonan sa tawo ang Dios sa kinahingpitan gyod—2 Cor. 1:8-9; 4:16:

1. Samtang makahimo ang buhing Dios og daghang buhat tungod ug alang sa tawo, wala maumol nganha sa tawo ang kinabuhi ug kinaiya sa buhing Dios; sa dihang mobuhat ang Dios sa pagkabanhaw, maumol nganha sa tawo ang Iyang kinabuhi ug kinaiya—v. 16.
2. Wala mobuhat ang Dios aron ipahibalo ang Iyang kusog sa dayag nga mga buhat; nagbuhat hinuon Siya aron ipaambit ug iumol ang Iyang Kaugalingon sa tawo; gigamit sa Dios ang palibot aron iumol ang Iyang kinabuhi ug kinaiya kanato—Gal. 4:19; 2 Cor. 4:7-12; 1 Tes. 3:3; Juan 16:33.
3. Aron makakinabuhi diha sa pagkabanhaw ug maumolan sa Dios sa pagkabanhaw, ipasama gyod ta sa dagway ni Cristo nga panganayng Anak sa Dios pinaagi sa “tanang butang”—Rom. 8:28-29; Heb. 12:10; itandi sa Jer. 48:11.
4. Kon naa tay mga pag-antos, moreklamo tingali ta sa Dios, apan ang pag-reklamo nato mao tingali ang labing maayong pag-ampo, ang pag-ampong labing makapahimuot sa Dios; samtang nireklamo ta, nagkalipay ang Dios kay gihimo man Niyang masigkatabang ang tanang butang alang sa ikaayo aron masama ta sa dagway sa Iyang panganayng Anak—itandi sa Sal. 102, titulo.

IV. Ang lihoc sa Tulo-usang Dios nga himoong Dios ang tawo aron matuman ang Iyang pamatigayon nga mabatonan ang hiniusang pagpadayag Niya naa gyod sa nasagol nga espiritu, sa diosnong Espiritu nga nasagol pag-usa sa atong tawhanong espiritu—1 Cor. 6:17; Bug. 1:10; 4:2; 17:3; 21:10; itandi sa Job 12:10; 32:8:

- A. Sa atong Cristohanong kinabuhi magkinabuhi ug maggawi gyod ta pinaagi sa Espiritu; buhaton gyod nato ang tanan ug mahimong tanan pinaagi sa Espiritu, uban sa Espiritu, diha sa Espiritu, ug tungod sa Espiritu; busa, magtagad gyod ta sa atong espiritu, magbuhat sa tanan pinaagi sa paggamit sa atong espiritu aron masinati nato ang diosnong Espiritu nga nabuhi sa sulod nato, nagbalay sa sulod nato, ug nagtransporma nato—Gal. 5:16, 25; Fil. 3:3; Rom. 8:4, 6; 2 Cor. 2:12-14; Mal. 2:15-16.
- B. Dili gyod ta mobuhat og bisan unsa nga bulag sa malangkobon-sa-tanan nga Espiritu; dili gyod ta moatubang og bisan unsang sitwasyon o motagbo bag bisan unsang panginahanglan nga bulag sa Espiritu; kat-onan gyod nato nga mokontakt sa diosnong Espiritu nga naa sa atong espiritu; kini ang tiunayng kahulogan sa Cristohanong kinabuhi ug buhat aron matuman ang pamatigayon sa Dios—Zac. 4:6; 2 Cor. 3:3, 6; Rom. 1:9; 7:6; Fil. 3:3.
- C. Ang pagka-Cristohanon ug pagka-mananaog dili lang lisod—kondili imposible gyod; ang nahikay ug nahingpit nga Tulo-usang Dios ra nga nabuhi sa sulod nato isip malangkobon-sa-tanan nga Espiritu nga naa sa atong espiritu ang mahimong Cristohanon ug mananaog—Luc. 1:37-38; 2 Cor. 4:13; Rom. 8:2.
- D. Basta buhaton nato ang tanan uyon sa Espiritu, masinati nato ang pagpakatawo, pagkinabuhi isip tawo, kamatayon, pagkabanhaw, ug pagkayab ni Cristo lakip na ang pagbubo sa Espiritu; maghimo kini natong iglesia sa Dios, ang Lawas ni Cristo, ang bag-ong tawo, ug ang punoan sa paras ug mga sanga nga organismo sa Tulo-usang Dios, nga mahingpit sa Bag-ong Jerusalem—Fil. 1:19; Joel 2:28-32; Buh. 2:16-21; Efe. 1:22-23; 2:15; 4:4, 23-24; Juan 15:1-11; Bug. 3:12; 19:7-9; 21:2, 10.

V. Sa pagpakita sa Dios kang Job, nakita niya ang Dios, nabatongan niya ang Dios sa personal niyang pagsinati ug giayran niya ang iyang kaugalingon—Job 38:1-3; 42:1-6:

- A. Ang atong Dios karon mao ang malangkobon-sa-tanan nga Espiritu nga kahingpitan sa nahikay ug nahingpit nga Tulo-usang Dios; ang Dios nga gitan-aw nato karon mao ang nahingpit nga Espiritu, ug makatan-aw ta Niya diha sa atong espiritu—2 Cor. 2:10; 2 Tim. 4:22:
 - 1. Makakita ta sa Dios aron maumolan ta Niya; magtransporma nato ang pagkakita nato sa Dios, ug ang makakita sa Dios sama ra sa makabaton sa Dios—2 Cor. 3:16, 18; Mat. 5:8; Bug. 22:4.
 - 2. Labi tang makakita ug mahigugma sa Dios, labi natong dumilian ug dumtan ang atong kaugalingon—Job 42:5-6; Isa. 6:5; Luc. 14:26.
- B. Aron makakita sa Dios, gamiton gyod nato ang atong espiritu—Efe. 1:17-18; 3:16-17; 1 Cor. 2:9-16; 2 Cor. 4:13; 1 Tim. 4:7; 2 Tim. 1:6-7:
 - 1. Labi tang motan-aw Niya diha sa atong espiritu, labi sab natong madawat ang tanang sagol Niya nganhi sa atong pagkatawo ingon nga sangkap nato sa sulod—2 Cor. 3:16-18.
 - 2. Taliwala sa atong kasakitan, magtagad gyod ta sa atong espiritu, himoon ang Ginoo nga puluy-anan nato, ang atong sekreto sa pagkaigo—2:13; 7:5-6; Mal. 2:15-16; Sal. 91:1; Fil. 4:11-13; Sal. 90:1-12; 31:20; Isa. 32:2.
- C. Aron makakita sa Dios, magtagad gyod ta sa atong kasingkasing—2 Cor. 3:16, 18; Mat. 5:8; 13:18-23:
 - 1. Magpabag-o gyod ta diha sa espiritu sa atong salabotan sa pagpaumol nato pag-usab sa balaang pulong sa Dios aron matudloan, madumalahan, mabut-an, ug makontrol ta sa pulong sa Dios—Efe. 4:23; Deut. 17:18-20; Fil. 2:2, 5.
 - 2. Magdilaab gyod unta ta sa gugma sa Ginoo, dunay pagbati nga napuno Niya nga atong kasibot alang sa Iyang balay—1:8; 2 Cor. 5:14; 2 Tim. 1:6-7; Juan 2:17; Mar. 12:30.
 - 3. Ipabuntog ug ipatransporma gyod nato ni Cristo ang atong pagbuot pinaagi sa mga pag-antos aron magpasakop kini sa pagkaulo ni Cristo (Fil. 2:13; itandi sa A. S. 4:1, 4; 7:4, 5), ug magbaton gyod tag maayo ug putling konsensya pinaagi sa bililhon, naghinlo, ug nagputling dugo ni Cristo (Buh. 24:16; 1 Tim. 3:9; Heb. 9:14; 10:22).

VI. Ang tuyo sa Dios sa pagtagad Niya sa mga nahigugma Niya aron man mabatonan nila Siya sa kinahingpitan gyod, nga labaw pa kaayo sa mapildihan sa tanang naa nila nga dili Siya (Fil. 3:7-8), aron mapadayag Siya pinaagi nila ug matuman ang tuyo Niya sa paglalang sa tawo (Gen. 1:26).